

179. (*Juli 6.*) Am dornstage noch visitacionis Marie habe ich gelehnen eyn haus Ha. Berbirs- fol. 162. torff, das her abegekauft hot weder — N. Monheupt hauptman unde Mert. Keuschberg yn vormundenschaft Pa. Mytschz gelossene kinder —, mit eczlichen czinsen ꝛc., mit allen brawgeschirre, fenstern unde thörn ertfeste, naylfeste, wedefeste —.

5 *180. (*Juli 31?*) Am montage nach unserem iormargkte*) haben dy — Roppoltin mit eren sonen [Balczer unde Lenhart] yngesaczit ere teyl off dem Newfange, eyn schicht off der Haderczeche unde i achtil off Ha. Osans czeche unde i sechzeteil off Trünckels czeche vor xxix ß swertgr., dy [N.] Teschener [bergmeister] gebin sal Pa. Iungman vor sy unde ere sone. —

181. (*Aug. 7.*) In die Donati hat dy Marg. Geuselin offgegebin vor mir — ir angestorbin fol. 163^b.
10 gut von eres bruder wegin Ha. Bartils in der Nedirlossenicz seliger gedechtniß dem erßamen N. Thylen bender erem swoger, also das er sy vorsurgen sal mit essin unde trincken, dy weyle sy lebit, unde sal ir gebin alle quatemmer xii gr., dy wiyle geld zcu hebin ist, und ap got obir sy gebote, das sy todis halbin abevinge, so sal her ir lossin singen ein gancze vigilia unde lassin haldin eyn dreyssigisten. —

15 182. (*Aug. 31.*) *Vereinbarung zwischen den Gewerken des Heinzenberges und denen des Breitensteines: Cod. dipl. Sax. reg. II. 13,213.* fol. 164.

*183. (*Sept. 4.*) Am montage vor nativitatis Marie ym LXXV^o iore habe ich Ha. Bockel fol. 164^b. dy czeit ein stadvoyt*) geleen i haus N. Man —.

184. (*Mai 28.*) Am sontage noch corporis Christi — habe ich N. Man — geleen Casp. Fry- fol. 165^b.
20 berger bergschreiber das virteil an der malczmol*), das er abegekauft hat weder Luc. Kessilhud unde Reynold schuster seyner swoger —.

185. (*Sept. 18.*) Am montage noch exaltacionis sancte crucis — hot Francze Knewczel off- fol. 166.
gegebin seyner swester Ilse Kneuczelin unde dornoch erer tochter Margareta alle seyne [guter], dy er hinder ym lesset*), is sey an berckwerken, teylen ader woran dy seyn, keyns ausgeslossen, noch
25 ynhalder czedel, dy Pa. Leman, Segemund Holkro ynne haben. *Diese beiden* hot Kneuczel seyner swester und erer tochter zcu vormunden gekorn yn aller macht zcu thun unde zcu lossen mit den gutern, dy Kneuczel seyner swester offgegebin hot unde dornoch erer tochter, also ab Ilse Kneuczelin selbis do were. Auch ab sy beyde todis halbin abegyngen —, so sulche teyl, dy Segemund Holkro und Kneuczel mitenander haben, sal komen i firdeteil zcu unser liben frawen, item i firdeteil zcu
30 sinte Peter, item i firteil den nedern monchin unde i firteil den ferren sichen. Item wen man czeen machet von der cleyne obirschar, so sal der iunge Caspar gebin x czentener Segemund Holkro unde Fra. Kneuczil ader seyner swester vormunden auch x c. —.

186. (*Nov. 10.*) Ich N. Man dy czeit eyn gesworner richter unde stadvoyt zcu Fryberg bek. —, wy das vor mich komen ist — Ha. Cluge obirster bergmeister meyner genedigen herren —
35 unde vor mir — gekorn zcu gewaltsamen vormunden unde crefftigen testamentarii — ern N. Cluge burger unde gledemoß des rotis unde ern Casp. Vlber ein alder des rotis unde N. Iunger becker, also das dy — sullen gancze craft unde macht obir alle seyne güter — [haben], also zcu vornemen, ab — Ha. Cluge todis halbin abevinge —, so sullen dy — testamentarii sulche güter wenden unde gebin an dy ende, also Ha. Cluge yn seynem testamentisbriefe*) den willen seyner letczten begir beschrebin,
40 vorsigild unde vorslossin ynne held, den denne dy testamentarii — wol wissin unde ynne habin yn ganczer unde follir macht, an alle ynsage frunde unde mogin, also ap — Ha. Cluge personlich do were unde tete. Auch ap der testamentaryen eyner under en todis halbin abevinge, so sullen sy eynen andern an seyner stat irwelin zcu sulcher craft obin berurt. Des zcu worem bekenteniß — habe ich — meyn ingesigil unden off dissenn briff — gedrocket, [das ich] von gerichtes unde amechts
45 wegin byn gebruchin[de], also auch ynneheld gerichtsbuch. Gegeben — an dem fritage unde obinde sancti Martini —.

180. a) Vergl. *Cod. dipl. Sax. reg. II. 12,86.* 183. a) *Wohl als Vertreter des Stadtvogts N. Man.* 184. a) Vergl. *No. 165.* 185. a) Vergl. *Stadtrecht V § 1.* 186. a) Vergl. *Stadtrecht V § 1.*